



Republika e Kosovës
Republika Kosovo-Republic of Kosovo
Kuvendi - Skupština - Assembly

Legjislatura IV

Sesioni pranveror

Komisioni për Shëndetësi, Punë dhe Mirëqenie Sociale

Mbledhja nr. 69

Ndërtesa e Kuvendit, salla N-302

Prishtinë, më 24 prill 2013, në orën 11:00

PROCESVERBAL
I MBLEDHJES SË KOMISIONIT PËR SHËNDETËSI, PUNË
DHE MIRËQENIE SOCIALE

Në mbledhje morën pjesë: Fikrim Damka, Time Kadrijaj, Flora Brovina, Bahri Thaçi, Salihe Mustafa, Gëzim Kelmendi dhe Liburn Aliu.

Munguan: Sasha Gjokiq, Nazane Breca.

Të pranishëm: Shpresa Haxhijaj, administratore e Komisionit, Xheneta Sopjani, praktikante.

Mbledhjen e kryesoi, Fikrim Damka, kryetar i Komisionit.

Në këtë mbledhje u propozua ky

Rend dite:

1. Miratimi i rendit të ditës;
2. Miratimi i procesverbalit të mbledhjes së datës 16.04.2013;
3. Shqyrtimi i Projektligjit për odat e profesionistëve shëndetësorë;
4. Të ndryshme.

***Kryesuesi** konstatoi se janë plotësuar kushtet për fillimin e punës dhe e hapi mbledhjen me shqyrtimin e pikës së parë të rendit të ditës.*

1. Miratimi i rendit të ditës

Rendi i ditës u miratua pa ndryshime.

2. **Miratimi i procesverbalit të mbledhjes së datës 16.04.2013**

Komisioni miratoi pa vërejtje procesverbalin e mbledhjes së datës 16.04.2013.

3. **Shqyrtimi i Projektligjit për odat e profesionistëve shëndetësorë**

Fikrim Damka- Tha se kemi disa propozim-amendamente nga Komisioni për Buxhet dhe Financa.

Amendamenti 1

Në nenin 1 dhe në tërë tekstin e projektligjit ku përdoret teksti “*odat e profesionistëve shëndetësorë, si organizata të pavarura dhe profesionale*”, zëvendësohet me tekstin “**odat e profesionistëve shëndetësorë, si organizata të pavarura profesionale që ushtrojnë veprimtari publike**”.

Komisioni miratoi amendamentin e parë të propozuar nga Komisioni për Buxhet dhe Financa.

Amendamenti 2

Neni 4

Paragrafi 1 riformulohet si në vijim:

Odat janë organizata të pavarura profesionale që ushtrojnë veprimtari publike dhe kanë cilësinë e personit juridik me të drejta dhe detyra të përcaktuara me këtë ligj, aktet nënligjore, legjislacionin tjetër përkatës dhe Statutin e odave.

Paragrafi 4, hiqet.

Komisioni miratoi amendamentin e dytë.

Amendamenti 3

Neni 37, riformulohet si vijon:

Neni 37

1. Mjetet për themelimin dhe funksionimin e odës sigurohen nga:

1.1 Buxheti i Republikës së Kosovës për fazën kalimtare trevjeçare.

1.2 Mjetet e realizuara sipas nenit 38 të këtij ligji, për tri vitet e para nga hyrja në fuqi e këtij ligji, derdhen në Buxhetin e Republikës së Kosovës.

Komisioni miratoi amendamentin e tretë.

Amendamenti 4

Neni 38, në paragrafin 1.2, fshihet teksti “ *Kompensimin (taksën) për anëtarët e odës*”. (Pjesa tjetër e tekstit mbetet).

Komisioni miratoi amendamentin e katërt.

Amendamenti 5

Neni 40 riformulohet si vijon:

Neni 40

1. Mjetet e Odës derdhen në xhirollogarinë e Odës dhe menaxhohen si në vijim:
 - 1.1. Për tri vitet e para kalimtare nga hyrja në fuqi e këtij ligji, mjetet sigurohen nga buxheti i Ministrisë së Shëndetësisë, në pajtim me Ligjin për menaxhimin e financave publike dhe përgjegjësitë.
 - 1.2. Të hyrat e parapara për financim të Odës sipas nenit 38, fillojnë të zbatohen me themelimin e Odës në pajtim me këtë ligj dhe për tri vitet e para derdhen në Buxhetin e Republikës së Kosovës. Mjetet e grumbulluara në vitin e tretë mbahen në Buxhetin e Republikës së Kosovës, si mjete të alokuara për Odën, sipas Ligjit për menaxhimin e financave publike dhe përgjegjësi, të cilat derdhen në xhirollogarinë e Odës me fillimin e vitit të katërt, me qëllim të funksionimit të Odës.
 - 1.3. Pas vitit të tretë, Oda vetëfinancohet sipas mënyrës së paraparë me këtë ligj.
2. Oda e ka xhirollogarinë e vet, të hapur nga Thesari.
3. Kryetari i Odës është përgjegjës financiar i Odës.
4. Oda është përgjegjëse për punën e saj me tërë pasurinë që disponon.

Komisioni miratoi amendamentin e pestë.

Amendamenti 6

Neni 45 i projektligjit riformulohet si vijon:

Neni 45

1. Për financimin e aktiviteteve dhe raportimet financiare të odës duhet të zbatohen rregullat e afarizmit financiar dhe kontabilitetit në përputhje me ligjet e Kosovës.
2. Odat e profesionistëve që shfrytëzojnë mjetet e Buxhetit të Republikës së Kosovës dhe mjetet tjera publike, duhet të zbatojnë dispozitat e Ligjit për menaxhimin e financave publike dhe përgjegjësitë dhe Ligjit për prokurimin publik në Republikën e Kosovës. Mjetet e shfrytëzuara auditohen nga Zyra e Auditorit të Përgjithshëm, në përputhje me legjislacionin në fuqi.

Komisioni miratoi amendamentin e gjashtë.

Fikrim Damka- Tha se Komisioni për Buxhet dhe Financa ka bërë edhe dy rekomandime.

Neni 25, paragrafi 1 të riformulohet si vijon:

1. Në procedurë para Këshillit Etik të Odës, zbatohen dispozitat e Ligjit për procedurën administrative, në lidhje me thirrjen e palëve, sigurimin e provave, dëgjimin e palëve, përgatitjen e procesverbaleve dhe procedurat tjera.

Komisioni miratoi rekomandim e parë.

Neni 48, paragrafi 1 të ndryshohet si vijon:

1. Statuti i Odës, pas miratimit nga odat sipas neneve 46 dhe 47, i dërgohet Ministrisë së Shëndetësisë për miratim.

Si dhe të hiqen amendamentet 27, 28, 30 dhe 33.

Komisioni miratoi rekomandim e dytë.

Fikrim Damka- Tha se kemi edhe një rekomandim nga Komisioni për të Drejtat dhe Interesat e Komuniteteve dhe Kthim.

Kapitulli V

Neni 21

Këshilli drejtues i odës

Neni 21, paragrafit 1, i shtohet :” nga të cilat 1 (një) anëtar i komunitetit jo shumicë dhe 1 (një) anëtar nga radha e komuniteteve tjera”.

Pas diskutimeve, Komisioni miratoi rekomandimin me pesë vota për dhe dy kundër.

4. Të ndryshme

Në pikën të ndryshme, Komisioni përkrahu riformulimin e dy amendamenteve në raportin e Projektligjit për siguri dhe shëndet në punë.

Gjithashtu, Komisioni vendosi që për Projektligjin për produkte medicinale dhe pajisje medicinale të angazhohen si ekspertë, Adnan Mustafa dhe Mjellma Hatipi .

U diskutua edhe për realizimin e një vizite jashtë vendit, me përkrahjen e UNDP-së.

E përgatiti:

Njësia për Mbështetjen e Komisionit.

Kryetari i Komisionit

Fikrim Damka